

玉茗堂全集

玉茗堂全集

臨川義仍湯顯祖著

賦

大司馬新城王公祖德賦

有序

夫原鴻者流滙柢厚者枝郁至乃河海配秩
乎三公風雲奕葉乎千祀明德必大有由來
矣濟南太僕少卿滌川王公祚自瑯琊徙于

賦

三卷

一

新城祖有翁嫗積施累行嘗獲偷兒哀遺梁
粟市有醢而負神責者神曰王翁來乃貰汝
已而信然精神之至也傳至公考起鄉貢士
爲潁川王傳公乘山立之資受庭誥之業幼
而靡恃加以食貧或歲無完衣日不再食愉
如也成童雋其鄉校弱冠貢于太學遂成進
士拜工部尚書郎呂藻著奠水之勤潁川表

息風之孝起復戶部權干九江誓如白水雅
以幣餘修飾學祀理餘鹽而末竇塞上會計
而本政具大臣以爲材會虜大入天子使
治兵雲中上谷時咸寧侯仇鸞新寵以數十
萬衆橫雲中脅治粟郎吏又與制府史公議
開馬市糜虜而邊人益騷鸞間襲虜敗欲殺
候者十數人自解而其裨至僞首功公爲請

折金粟半制虜關入釋候卒而誅其裨鸞心
折焉上谷大雨水饑天子詔卿貳往賑公
條上十二事行之拜金幣之賜者再兩鎮臬
兼按士拔相國太原王公大司馬代郡郝公
於童孺之年得一爲異况其加雙公之明也
邦之福也竟以忌者徙叅于黔適三殿災當
採木斯路而羿蠻阻兵千里道斷中外沮莫

爲計撫臣高以屬公公進者長蠻熟間故出
入虛實曰吾知之矣是爲鬼方縣歷幽曠大
兵四征之弗克殲殲之非衆數十萬三稔不
可乃潛授三將軍千人斷其彘集而身引死
士夜彘落洪畢登而呼火窮其巢蠻大驚愕
獸聞者敗鳥窠者殪降其酋經理之羿蠻平
奏上畱公采木并功公嘆曰得以棟隆爲

天子堂何恨乃從匠石將吏擇木遐翳犯飛
毒吹蠱之虞極躋山絕沉之險固已無林不
臻有蒼斯急矣最後蠻乃獻其大木千章皆
懸崖墜石蒸視而不可出衆咸憂之公齋心
路禱飛文于天天爲暴雨豁谷盡漲大水通
行浮于輿方而公亦以霧露之疾終矣計奏
天子悲憐之曰其官其忠勤可憫其諭祭一

壇三殿告成追贈太僕蓋公居恒冠衽自誓
赤心報國直道事人斯其效矣而厥配太淑
人劉實相以成益用忠勤爲母訓令子聞孫
節鉞簪紱至十數人施於曾孫多孝秀之士
淑人凡三受綸誥而服素紉刺老而不衰精
心慈氏好施予邑無丐者生辰偶作銅器變
爲樓閣峯巒世尊其上蓋念力也嗟夫公與

淑人不可作矣公卒以秋中月盈而旻淑人
逝以元夕火息而傳天地之正也公纔逾大
衍而淑人幾及百年愬其祖妣視茲蕃熾天
有所不足而陰助成歲功陰陽之奇也黔祠
家祜並額忠勤敬德音也公卿人士委積志
頌徽文獻也公孫司馬公視師黔蜀培勤襲
忠幸念厥祖謀有以傳徽遠久乃畫擬晉唐

法書雜寫其文夫太傳碎玉采就於興嗣內
史遺珠璣聯於聖教駢帖而三新亦奇之至
矣千秋萬歲愛其書手其文愛其文思其人
如披蓮泊恍玉帶於西河若玩華趺指鳳凰
於東臯詩云孝子不匱永錫爾類司馬公之
謂矣小子欣其盛異願附不朽嗣西美之遺
音仰東王而敬賦

蓋聞表東海之渢渢配泰宗之峻極導濟必登
于王屋行河始大於積石故延陵致歎乎始基
遷史興言於累積曄族於天齊耿流風於畫
邑濟南代千秋之相琅邪振青州之急仕臨沂
而浸昌至始興而駿發太原未足爲競爽高平
何能爲逐末流泉揆星徙于新城東武世田何
之業不其傳樂浪之清醴翁會而邁種何翁媼

之僕淳授黃梁於夜竊甦酒負於明神食陰德
而未旣啟公侯於嗣人曰惟麟公作傳梁邱穎
水之清穆生之醴誕我同鄉克膺岐嶷感惓惓
而廢詩正衣襟而學禮高文以就角卵而起丁
歲領環橋之彥甲第映蘭臺之美治于呂梁實
惟都水度飛漕而悚經政覩懸沫而泳名理其
來其餘言過其里道穎川兮視藥阻淇河而風

薦荒顧天兮稽首倏澄波而訖濟迎銓養以盡
年撫琴聲而毀瘁起推擇於司農總軍儲而上
計清權美於溢楚指江流而肅誓固孝子之潔
白豈盟言之所制備庠序之缺史飭陶周之慕
祀蓋體素而敦風匪綠雅以飾吏露風悲於鹽
筴屬雲中之有事出管籥以干城效情形於節
制居嚴王貴將之間屬金生粟死之際漏漢物

以紆虜攫僞俘而委罪微我公之亮節熾狂仇
之逆勢羽檄幾兮旁午公沉勇而先智第堅壁
而清野但傳旗而舉燧歲倚盡其功多噍濃醜
於金幣旣標稜乎武奮亦簡駿於文揆拔將相
於倪齒繫材殊而目異徙鎮于宣滸雨愆年王
人恤師布詔宜恩十上機宜邊圯而全外和內
剛諧世寔難宜卽北兮建臺乃徙黔兮參藩迤

山之荒厥惟羿蠻繇于九絲叢瑩濛濛景皇
以迨嘉每懸師而刈旃累士馬今物故畧相當
今振旋偶酋目之相仇擁黑白而爲難壘磨牙
于有截道暴虺而無烟儼三殿之經營當采木
乎是間中樞蹇采入之計司空屯梗出之言盈
庭嗟咨莫知所原厥撫廉公屬以事權公爲怵
然周爰咨宣腹脊險夷翔實瑕堅旣洞其底亦

訖其言皇皇天朝蠻非敢然虞以稽誅乃酋寔
愆盡種而殲荆榛遠延少十萬師多四三年耳
不及掩踵不得旋時乎時乎用決而前密署材
官三分其千阨塞要關邀逋絕援渠閭周遭柵
格繇聯公帥死士領之以語兵不在衆入穴得
子探彼洛洪期宿而至比昏環秣啣枚疾赴衆
謂公止公實儒吏公怒赫赫斬牲以示所向惟

予馬首是視偃旄攤鐸宵中其下進薄鹵附寂
無知者我公趨如周麾而呼鼓角翔飛燒其渠
胥光炎耀天誼殺震地歟爍貽愕卒起不意潰
決鋌走東西角殲蠻乃大哭霆擊鷹鷲前負質
斧詣吏肉袒問所虜殺罪莫可殫曾自引服皮
面決眼約十償一下及畜產契箭齧舌誓不復
反羅拜乞命乃受其款爲定要束布示寬簡改

置軍吏附我氓筦戎索旣靖夷歌斯清豁落溪
峒發泄崖窾剪格癢絕有夷其坦累世之勤收
之旦晚宜卽散繡用錫圭瓚帝詔遂工并緒而
纂公益感奮奔走厥職束峽口而溝霧露皆土
人之絕跡水則沉槎而泳山則躋履而歷石林
虧蔽萑露濬滴風飈水魅之所嘯語猛獸怒而
之所脅息數瀕死而僥存委黼瘠於匠墨夷等

獻其異材顧沉吟于絕壁臨層淵兮飛湍眩砾
崖兮轉石殫人力其焉如會靈心于帝方禋三
章以訊神雨萬壑而滂激神哉沛兮東馳踰數
舍今一息夷庶譁其精靈公已廢其寢食瘡彌
連而不休豈出入而無疾在死法以猶劬謝刊
旅而長旱上計奏兮哀傷下禮官其議卹調勤
勞兮以死遣爲壇而祭一殿三成兮允贈慟駿

寶晉拾陸鵬於亡秦淮水發金碑之妙跡蘭亭
鋪羽爵於貞珉皆公家之舊觀糾雲漢於寧曼
前者慨不可作後者襍而誰甄惟梁散騎乃集
右軍暨于唐宗命彼懷仁事有瑣而足始法有
奇而可循矧祖德兮魏義屬衆製兮續紛籍筆
精其始遠減墨妙而成陳爰搜古法遙寫今文
蒨摘影綴蟬聯翩翩點畫波拂碎粲瑤璚方慶

効材於九葉信本呈妍於八分約褚虞之映帶
兼顏柳之亭勻智永失露橋之秘法善得雲麾
之寬擇吉光兮集翠總明璣兮備珍助流鴻而
取態盱駭矚而爭新將使臨觀者稽誚而恐盡
展握者錯落而疑真嘆鑪錘之妙手信千古之
絕塵嗟夫太僕公之忠勤旣微麻而歎帛司馬
公之孝思可透紙而穿石益皆煥若于神明詎

止釋如於鈞勒昔衛孔父問彛稱先祖之美周
君牙旂常紀厥考之績彼皆昭明物而靡傳孰
與夫蒞寶書之無斁况夫察其天文知兩制之
矩模觀于人文見一代之制作將司馬授龍門
之策王氏世青箱之學紛琬琰今齊光麗慙孟
兮永恪臨茲末簡賁于承學眷靈鑲於華趺佇
昆銘乎井絡仰燕翼以遙欽邇鴻庥而遠托

感宦籍賦 有序

今上丁酉三月予以平昌令上四年計如錢
塘盪舟長日篋中故有高士傳慨然尋覽之
無存也童子故以宦林全籍進予覽其書書
官書名書地書號大若麟角細若牛毛斯矣
備矣反覆循玩亦可以奮孤宦之沉心窺時
賢之能亨感而賦之

有平昌之令尹淹結課以孤羈偶猶夷而悞悵
暫循求於展披頗有仙班秘錄士品玄碑巾箱
失檢記室忘携既宦林之有籍豈童子之無知
因而取御業已忘疲嘆閬川而閱世何此書之
可怡冠二京分列省之地戒標四季合匝歲之
天時其地界也東綿遼掖西折涼雋北隃代薊
南極滇黎控中軸于長安剖河山而四維皆百

戰之所取豈一日之可縻署都官於南北擬周
漢之東西南簡曹而少務北備案而多儀外則
邊遙其腹幹切其支臺省于焉受使州郡于焉
稱知有斗僻以孤鎮亦犬牙而交岐甫一逕以
維絕或三會而扼奇下至一尉一候險如三臺
三危有兼有特孰正孰裨莫不禹迹陟于周官
堯封攝平漢威猶恨缺紀官于朶衛失請吏下

交與其天時也遷則通急之殊其候推則例閏
之議其期秘館視三年之學內微以四稔爲規
奏計僥優而或殿報政當過而或稽臥病者往
來於決歲予寧者去往以彌暮或遑將而往返
或奄息之早遲第有聞其必鑄鮮存亡而闕疑
覬邸報之日積直會計而改爲是故日曆終歲
以猶把宦籍逾時而輟揮在近者摘新而賞實

市遠者豫舊以酬欺非春秋也筆削聖而竊取
非易也先後天而奉時時之爲義大矣惟名與
器隨之嗟夫大鈞寫物皇極鑄人物與無妄人
生有真吾有身而易寵世喪道而難貧是以羞
其編戶榮乎縉紳然而布種詭雜僮候續綸幸
者乃爲公侯之子鄉相之孫前書厥考有階有
勲後列環衛如官如恩托江河而裨大依日月

而常新不必學書學劍自然允武允文又若駙
馬都尉一體天人在既富其何費獲至貴而無
勤次則納貲而爲郎亦以財而發身過此以往
其勤可知矣清流之跡奮以文詞則必沒身乎
藻綴噪吻干吟呻寒暑侵而靡覺骨肉怨而不
辭至如羽林隸策倉門學醫吏人讀律中書臨
池玄流理樂天文測機莫不窮年渴晷立骨銷

肌彼殆胡爲乎爾誠亦有所用之又其甚者作
奸犯科知無不爲跂榮分僂迂平取奇皆欲爭
毫釐於此籍之上附咫尺於半部之餘外有乘
間抵巇能盡能基微言解頤說劍說詩日者狎
客夜來秘師皆得遊大人以成名指旁流而借
賞下則緹騎惡子前魚美兒一則如羆如豺一
則如韋如脂無足比數何所覲睨然而物有所

至事不可知買功爵于攫金之後乞告身于枕
袖之時經營衣錦踐躡綦絲在主爵而無靳咤
剖劓以何遺第云爲之則是敢曰文不在茲嗟
夫天下亦大矣仕人亦夥矣有鳳凰之官則必
有騏驎之使有金玉之英則必有糞土之士巨
海葺龍蚌以鋪文太華總松榛而攬翠散之人
有十等合之天無二日天其平也不平人則不

一也而一不平謂何有一有多有終身于帝所
有絕望于廊阿有十年而不調有一月而累加
有微歆而輒振有一蹶而永蹶有弱冠而崢嶸
有白首而婆婆有受萬金而無譏有拾片羽而
爲瑕有擁旂于華羨有投牒于荒厓有提議而
擬方伯有守郡而無建牙有贍僮客而鳴豫有
絕父母而勞歌有長孫曾而襲珪有鬻子女而

還家有上壽而賜尊有自經于幽遐麗風者衍
言笑而加翼絕津者蹙號眺而靡槎得時者隨
俯仰而皆妙失志者任語嘿以無佳徒使墨守
者視此書而失據捷聞者指是刻以嚴誇智愚
勇怯于斯乎盡銳貧富修膏于是乎交賒細則
鑽如蚊蝨大則據若蛟龍緩則穆如墳笈急則
慘若鉅邪親屬之榮悴以此人身之軒輊匪他

何必者舊傳而特筆人物志以編摩第登名於仕版若陟嶽以盈科有規有矩如琢如磨諒有朝其必市愬無臣而不波乃有揚休山立蘧成駘駘姓名外詭爵地參差鸞視重其一粒豹覺廳以隨窠苟有懷而未瞑終奔命於芴羅是故謁選則咳成雷雨議汰則委若泥沙地貴則聯之以雲錦命賤則等之以風花至消詳于品列

益撫卷而增嗟名理疇而贗售功勤埒而盜券
等奇節而抑真並文林而采華然則茲籍也蓋
有朱紫異質淄澠同和者矣迨其甚也且有人
焉巧若窮奇昧若渾敦名可以冠楚杞貌足以
鑄神奸物論之所必去茲籍之所獨存方災木
而未已或閱季而彌尋亦有行若處子智若膏
蘭望足以壓折非是才足以替獻可否謂周行

其必先視百爾而豈後比索名于右方復展轉而烏有或置無人之境或寄冗從之數冷之以所必灰瘴之惟恐不禿彼拙效其常然豈削籍之所朽徒使頑弱之人覽茲籍也耀其貴如得如驚黯其賤如失如玷懲死灰之不然慕積薪之所占名已沒其焉如貴及生而可艷捐亢壯以和顏美齒憂而委念然則茲籍也能使人采

色飛舉道心沉亂可觸手而偶覲難淹神而久
玩忽掩卷而罔然吾亦多言之爲幻矣

奇喜賦

有序

庚陽丁右武天下英奇士也與余同庚而生
庚而舉四十年中慷慨連綿備極兄弟婚姻
之好懷忠踐義爲噂噤所危不盡其用聞情
壯志斯亦已矣有子元禮叔燕鬚冠上下並

積風霞之氣騰藻繡之文謂可咫尺雲天承
考賓王發越未盡三年之內溘其萎而知者
爲之酸心行路爲之隕涕惟兄與嫂叶號顛
跌摧隤咽絕如不欲生親懿咸相勸譬叔煎
幸有遺腹無宜過傷雪涕強食而雷之男也
爲一解顏而咲至于七日又殤天道如何人
生至此仰視棟宇曾無容旭之光俛睇堦庭

莫解繁霜之氣忽而神人見夢曰叔蕪有子
在其所可往取之起而診諸保阿則信有焉
叔蕪有媵最近而娠去之民間兩月而生子
男民以爲貴家種收之且一歲而餘矣促駕
携以歸並其所遺姊坐襦褥上衆睨之姊弟
相向儼然叔蕪也兄與嫂氏舞躍大叫歡絕
如絕復蘇如斷復連擇吉告廟錫以嘉名見

之宗黨右武馳書示喜且曰孤兒生處備極
艱苦此天賜也相國張公而下薦紳文學遜
爲詩歌嘆未曾有題曰國香家寶志夢蘭階
玉之遭也余謂此蓋人生殊喜驚恠奇特者
矣鋪而賦之

肇玄黃之泮渙激變化而毓羶哀慘舒於凍燠
糝夷實于山川動虬儀兮鍾應呬蠶絲兮酒泉

鳥獸子於寄生菟搖絲於茯苓物有所不可致
理有所不能詮謂變盈其偶爾亦與善而良然
洪都右武實余友兄襲司馬之高門發薦揚之
緒英並撫塵而振采借弱冠以成名步揚休而
山立吐玉振而金聲筋骨備五行之色胸懷深
四海之情國將以忠爲福本信爲順禎司馬之
門再啓公侯之後必盈何悟天不其然玄之又

玄世不我恤日以一日積羣蜚而去朝懷幽憂
而滿室激昂臯壤之間消瑟文尊之匹攬年髮
其已遷撫咳庭而借一趨庭惟何匪凌匪夸伯
也顧哲叔也豐華荅簞竿其秀竦珣珤玕其交
加藻機雲于鸞鸞寫徽獻于蛟蛇伯艱難于厥
考叔依回而在家伯能操世法之幹叔能修學
士之葩被奇服而高冠頽泥丹而映霞談家難

兮感慨撫世態兮咨嗟見其二子曰予叔父靡
襟期而不親在微詞而必悟嘆吾兄之有子鬱
堂憐乎終路如何如何天平孔多既我兮如不
我克促我兮如不我昔沓雙劒於委土迫兩龍
於逝波喟琤鋤其已爾遑顧望於其他堂悵悵
兮潰絕行路涕兮滂沱凜華宇之將及與凌陰
而少和伯兮已矣叔也遺腹庶其在茲七日不

復慟余嫂其何如兄展轉而增觸悲有助兮號
呼愛無詞兮勸勗沉劍兮望遺彩而何收逝龍
兮候纖雲而靡矚惟庶季以長年或多孫而羨
續忽焉天開叔兮有孩色于室而棄路取諸寄
而置懷生之行葦之際立之藁翠之階儼晬周
而有餘視髦儀而靡垂並遺姝兮笑語均秀額
而奇顙本閨房之兆叶費門戶之推排佚蘭蓀

於媚草洩桂種於流蓼蘭汎濶兮思公子桂幽
慘兮隔上才虹晦明於抵鵲之璞月虧全于去
時之胎璧間道而始返珠離浦而再回乃公得
之而驚曰異矣傾都聞之而喜曰幸哉雖人理
之多制亦造物之倣詭震鬣失而索男隅趾傾
而得子碩果懸而解剝娉袂歸而濟否字逢集
於上極識仲孺於遺體祖抱孫今顧咲孫遇妣

今徙倚覺痛定而逾痛驟喜來其亦喜夜遽明
而豈屬決復入以成汜荔側挺而見珍桐孤生
而韻美引一髮於千鈞立嘉名而正始擬圭璋
之判合薦潢潦之原委重承饒而挹汪續悲墳
以撈取免牛羊於踐巷佐螽斯而在宇如天福
其亢宗寔帝詒乎下女托江河而猥大特神明
以無苦長葛藟之綿綿接庚陽于鼻祖

玉茗堂全集

臨川義仍湯顯祖著

賦

四靈山賦

有序

大憲甌陵李伯東使君余齊年中莫逆昆弟
也宣慈惠和篤誠明允擬跡循聲率本忠孝
尊人百霍先生隱永春萬歲山中賦詩引醇

賦

四卷

歡然難老矣而時干母夫人有棄緯復禮之
感一日歔歔涕流語余不孝所差對乃得佳
城艮坤幽妥淑臯耳記言龜龍麟鳳四靈形
家本天文星氣指象方隅石精妄意良然亦
未能具而有也吾母隴岡殆具是矣先是飛
來峰神見夢示其方中起行四山旁薄歔霍
拊蒼麟儀朱鳳趾角冠距誠然畢肖獨鳳味

微琢而趾孤峙心危之居人云石鳳嘗飲于
田田人琢之如石馬然其趾踰如嘗苦海風
嶢峩微徙就視有之構大士座支其危向後
地數震莫能動也其壖爲石龜鋪如蹲龜者
磊磊相望有雙柱起盤石中如執珪謁帝小
子請于大人曰可書四靈于豐岳矣弟芬疑
之曰三靈則有如龍何予曰槩山爲龍奚悵

而不四然終莫爲嫌也循行轉深忽見一石
屏大字二十餘皴蘚殊半洗發讀之爲蘇家
書云此山形如出洞龍一草一石皆其鱗角
爪甲幸勿剪伐以永山靈予驚喜甚從大人
昆弟饒而觀之曰此非龍耶乃大書四靈于
穹窿之石望若天際云已乃凌步飛來得唐
歐陽詹大書古雷字震爲雷爲龍此非龍起

處與爲書起龍字字大如四靈形家若四靈
備者得無異耶又言山起東粵過大營石龜
而來甌陵屏護殊衆其山其水是也溪流九
十九并折而襟其後珍木靈果森蔚無計翠
氣荷雲于樹頭甘液成津于果下此亦淑靈
之樂丘而賤子之永廬矣幸爲賦之時若瞻
望焉余按形家龜若龍世爲公或二千石乃

至有四天文四禽之中爲黃龍母垣而封子
孫其逢喜極爲賦用附貞石

若夫山川始合玄黃既分爰在天而象物卽下
地以成文酌十形而取貌准七宿以扶輪首蒼
螭干大角味赤鳳于飛鶉處玄冥而伏龜矯素
商而現麟偉精氣之攸屬寔宅兆之所尊顧機
緣其詎偶率影象以難論有之者偏詭而不必

備之者确瘠而不必純畏飛龍之壓角喜遊
龜之顧蹲麟啣觸而何貴雀和鳴而見珍彼氣
雄雄今畢吐繁精磊磊今竒臻是故地以大闢
爲大天以溫陵而溫旁唐鬱積塊軋璊璘殆峻
發于我友伯東君太夫人之阡也我有世父百
崔老人天倪其偕母氏維陳翁延和千萬歲毋
息照于三辰翁命伯東卜吉而墳連山歸藏負

良揖坤審止氣之在茲覺中央其有神庶三吉
兮是取詎四靈之敢云日月居諸雨露沾濡
杖屨以攸往擗纖佩而亦趨翁指眄兮矍矍
顧步以踟躕目擊心語光駭色殊伯東喟焉啟
其大人曰毋恭人之阡美矣備矣四靈既矣懿
斑麟兮何獲定三五而磊隗緬麟嶠乎睇視恍
膚觚兮特尾兆聖母以縈絲受火土之嘉祉委

石麟而載毓衍隆厚於公子右有之兮左宜涉
百步今有咫翹鳳髻之峩峩載盤陀而托趾立
數尺于千圍根厚地而無底眩五采兮丹碧被
焉蘿之霍靡宛形色兮飛動噦奉養而戾止夫
何啻于稻梁儼神馬而志詭疑秀躋之蹌踉托
孤撐于慈氏非善巧之過慮經海煮而微徙挺
龕柱于來茲月數震而無圯瞰丹穴之隣比稱

鸞訛而鳳靡隕鄴石今將雛峴鸞鸞今鍾美若
乃吉氣有餘黑整于陬積以委迤十丈而哀上
有駿龜大如一樓吐息嘉林法象靈丘紐于左
方以名其郵昂首公倉觀顧何求濡尾潘湖流
泉美疇乃有十倍其疇見于隴頭上降下貞睢
陽伏幽偃蹇壇場顧子而留儼石磐與青雲上
浮有若朝天玄圭載侯青純蒼光背可刻鏤伯

東稽首定墨向尊而謀曰大人宜書四靈以祥
千秋仲熙獻疑三靈示休龍則何居請眎其繇
伯東嘿然以夷以躊忽肝左之葱菁見大書乎
石屏曰洞龍之出爲山之形鱗甲指爪片石咸
星告勿采伐以壽其靈名旣寶於眉山字如書
於滁亭肝鬼神其護持曠日月而丹青伯東驚
喜幾不自制父子昆弟載酒往視昔疑今信四

靈畢至曷維其同亦祗以異曰時乎時不志曷
俟書徑六尺鑄于鼎廩臨觀道上若懸天際炯
後人之摘抉實先天其布置蓋惟隴岡之原起
于粵東石龜而南飛來其峰聳平疇而挿漢啟
山靈而告中行周昔刊於古雷伯氏再標以起
龍豈雷古而龍今將龍起而雷從點乾象於霏
微接震畫於崆嶺其爲字也行若龍矯立若鳳

峙展若麟遊促若龜曳爲隴岡兮發色與飛來
兮爭勢睥有子其若斯向經文而武緯允陟踐
於樞機且時陳於臬事眷白華而遠漸汴綸綽
而泉賁母孝而慈影管是紀事大姑如其姑撫
猶子如其子闡明淑以追榮方幽贊而未已况
其數曲之間頽珥凌閭百里之內殊麗輻輳羅
松帶其左覺海鏡其右鴻漸高鳩翔其前葵朋

青紫屏其後高則紫帽清源平則大輪三秀擁
龜龍於潮汐障鳳麟於郊藪琨溪百而堂會珍
木千而厦覆五色之雲恒飛六氣之霞時逗翁
顧而笑曰淑人之丘子仰而喜曰慈姥之阜亦
安測夫天垂象而彌布地愛寶而逾剖如岡陵
兮貴徵歷世孳兮氣候不敏顯祖世睦之後於
母猶子伯東則友勒頌樂石敬附不朽頌曰

四守在天下屬爲物河洛之榮龜龍自出生祖
之洲麟鳳是窟孰配孰啻此焉葱鬱有真有精
非其彷彿夫人委翟中殞若月地以爲姬藏其
真骨回還四顧光景發越如麟翔如如龍竦闕
如鳳擬冠如龜杼笏千百其障踴躍旁勃趨干
甌海湧自炎粵千里相牽束脉毫髮小頓大起
莫不生活重坤傾良如在房闥含章載貞吉止

祥發煌煌石廊受天綸綍於赫顯懿氣莫可闕
子之翼之翰墨黼黻古雷起龍四靈是揭星流
霧洗光怪旁達世未嘗有奇茂斯括溶溶大山
揆示毫末顯祖作頌次于玄碣以告千祀敬共
無忽

霞美山賦

有序

蓋余歲丁未夏五得拜蘇弘家使君于大憲

之府休暇論交遊得何君稚孝蔡君敬夫李
君叔玄叔玄固余同年友也三君世清真士
而使君懷抱之內瑋博淵靚貞方淑明誠足
相友海上相與謳歛大篇北山南陔之思油
如也已而曰賦者古詩之流子善爲賦吾母
黃淑人卽安于武榮之霞美山山朝暮出雲
五采燁昱婉孌甚美吾雖宦遊意未嘗不在

淑靈霞美之側也子其賦之以識吾目因示
以山圖壙志志封公仲齋先生筆也山嵬故
爲君曾大父直軒公冢公嘗途遘重器不取
天畀佳城焉公之子爲御史封公其孫爲御
史觀察次仲齋先生也先生孝篤不忘追養
維謹歲時惜淑人祠墓下登降徘徊久之嘆
曰美哉斯丘與淑人護托體待先公幸矣兆

而舍之時引稚孝顏範卿黃郡伯諸名儔
然酣歌其中覺烟霞爲氣質身世爲風景趙
臺卿陶元亮之流也所志淑人內行純備綸
誥總以孝敬儉勤四德德之大與顯祖仰承
孝則謹按丹青金石之重爲使君語銷而頌
之匪敢掇家賦之小文要以墮配瞻之極思
焉爾

懿神明之俶紀始司寇之蘇公配周邵而則遠
長國家而祚鴻肆層瀾之滌滌叅奕葉之龍龍
豈翅乎東海高駟馬之門平陵受九世之策文
言引慶於積善春秋占達於明德周秦蜀國如
織及紳集賢之雅俗我蘇君清明在躬宜哲惟
人豈培塿兮松柏必巖岳以風雲竊燕喜而聞
思邇鴻休而有云大輿直軒內恕以仁莽千金

千路遺寶寸心而席珍樹德滋而保世嗜欲先
而降神遂閒我和施于曾孫家伯憲伯家君隱
君若我隱君子之爲行也趨庭學詩而學禮居
室中慮而中倫出昭明而處晉偃經綸而遇屯
旣光乎德亦富以文承考兄其莛美據鍾釜而
食貧載矩矱兮揆覽次芳菲兮襲紉祗令德以
惟孝感人生而在勌誰其佐旃我母維賢誕黃

公之著姓兆金紱於神詮視必徵於高史步必
倣于蘋蘩痛先姑之靡逮觸衿佩以沈瀾承繼
姑之下急調氣色以盤旋奉堂上於枌榆再終
星而始捐我祖番堂倚杖而顛毋也倉皇投帷
出援吮血傳藥沾衣涕漣翁曰孝哉曷爲其然
子以學遊嬾備除涓豈無青衣必躬必虔溽雨
千庖上漏下泉背腹兩兒齒屐而前歛釐炊蔡

犁梁擊鮮堂戶清芳施于賓筵議其酒食製其
裳衣箴管在佩繁袞周資免乳多難織結滄治
綠車夜鳴分燈課兒受四喪其畢舉咸取襲於
嬪儀踴總幃兮諸孤泣嘗蒸兮歲時其勤孝也
如此惟神明其知之幸襲余於三爵表庭誥兮
閨慈應神言於金紫游恩華於翟褱絕滌溢以
明冲隨黽勉而稱施在邦媛以貽則沒隣春而

助悲時守鄴都計奏言歸褒儉勤與孝敬捧王
言而載馳擬賜金其上壽豈杯圈以長揮痛奔
星兮靡及將母諗兮何期惟我舊山厥名霞美
隱君子之所營曾大父之所啟其爲山也鬱兮
坤盤聳兮天構福全屏其前紫帽冠其後翁山
八赤睨其左清源三能映其右葵峰依九日之
華梅嶠醞雙陽之秀江縈綬于金鷄飲風濤乎

鳳味豈金嶠之自來拓靈海而安受蓋我隱君
載瞻王父之藏而嘆曰樂哉丘也優貞士於霞
祀肅幽人於雲竇乃挹恭慈言升其阜葱蒨展
簇於屏帷氤氲吐納其懷袖指圖緯之體勢儼
冠佩于列宿水緯耀以來矜謐層阿而遶雷傾
焉雲徊歛焉霞覆出乎空閭炫乎玄岫駭神靈
兮光怪緬葱蘢兮氣候丹山明兮赤城輝步盼

嚮兮兩迤邐翁語蔡人霞美且悅顧九原其在
茲庶千秋兮共穴恭人謂翁信美成說托餘鳧
於先公願前驅而秉蒞翁有感焉乃壇乃宮菱
舍其孺陶焉在中撰歸行干一際藐旦夜之玄
同樹松柏于齋隅唱露晞于朋從意爲歡兮偶
爾寧嬰憂兮我躬蓋翁達于未嘗有生之始母
當夫所必不免之終歸大衍兮成數痛靡依兮

先靈諒終吉以儲臧就初貞而撫路匪暨陽之
近渚徵京洛之遠邇大地靡虞於瀕泄兼山允
呈於顧護接止氣于西南脊前霞之曉暮細若
金碧之吐蠹如樓閣之曙麗訛鸞之宵綏屬雌
龍以容與氣有赤兮有青態若迎而若佇覺先
慈之樂康奉家嚴之指厝依祖德以延休叶孫
謀其永固悵來歸而咏毗資思成於寫素嗟夫

使君之言若此何孝德之綢繆偉封公兮任達
偕同隱而啟疇寤玄闔以通明處便房而燭幽
嘆祿衣兮不復拊霞御兮長留諒徽音其不朽
托悲頌於靈丘頌曰

連山起兮似城郭埋陵嶮兮肥不薄赤氣揚兮
曳朱鳥赤氣鬱兮抱蒼壁霞之美兮青以赤代
殊好兮貫華脉齒寫吟思麗以則照耀山容動

海色楸梧離支女貞柏菱舍陰煙美管魄太公
時遊鏗樂石過祖及妣醉賓客咲語恭靈此依
息乃公壽筭永無極

浮梁縣新作講堂賦

有序

饒陽浮梁有講堂焉隆然兩溪之上合大

麗澤之義基宋南渡營于元季前後廉

使兵燬迫于茲閏周侯新之甫成而以能治

劇徙南昌湖錢侯嗣之益嚴以姻友人黃君
龍光謂余曰講院發氣色于流峙備體勢于
規隨于以居賢來章邇所未有盛美不宜無
以照炤于後敬爲賦之

邇名流於滙澤陪德鎮於匡垠匪江湖之氣急
緊農桑之業勸俗勗勞而憂善地偏安而樂貧
鄉老提朝夕之塾遊童遵出入之倫國游藏於

經解家韞席於儒珍道山東其證聖里江西而
近仁凡茲宦遊適若期契莫不欣其風土安其
氣味引諸生以怡懌法講堂而蔽葦相慕用以
良然有代興而靡廢蒼夫芝城浮梁通乎大鄣
處江山之清絕入吳楚之空竇人喜儒而化鄙
吏好學而明臧乃至勝國之長餘燼之良猶能
嘆青衿之道缺感衆樵之味長慨焉始基逮彼

搶攘近華風而狄遠在門墻而雅亡喜孔顏之
像在觀皇明之道昌皇道明兮孔昌熾萬曆斯
今卜年世聲明燁今文物涕牛女精今江海溼
物有沉而倣瞬事有隴而載懿有溪有堂孰揆
孰嗣我閭周侯經營其位祠亭翼翼橋閣跂跂
中田有廬以教以食六月南徙物有其備我湖
錢侯崇增厥制繚以墻援飾以欄綴徒觀其四

達之爲勢也北起平靈鐘之山西揖乎鳴琴之
治東陂池而折北道如帶以迤邐遶三方乎曲
隅面長風于水際兩岡相踟蹰以木石中有歸
塘樹以荷蒨延演漫汗煥炫寔歷收委濶於閭
祁度霓梁而振掖隱玉几以橫陳拔蒼岑乎遠
碧鏡晏暘而寫旭暉晡煙而吐魄風霆雲漢之
所迴澗止蘋蘋之所滌白鷺飛而有容潛龍見

而時暢對學海以津梁宛天成其泮璧山陽兮
崦嵫振衣兮下視邈覩秀于洲衢歎喧器於闕
市右爲堂兮友仁歛炯敞而巨麗義有取乎燕
居鬱嘉客之所戾友仁之左徑以葱青傑閣倪
天是曰尊經靈峰在前寶積在後其朝迴溪其
夕孔阜若登山而魯小似酌海而星覆典則斯
有闕佚是購豈禪枝靜閣之藏廼孔林曲阜之

副統一真以定尊積數仞而云富噫喜此堂美
好備矣四方之遊日其暨矣今夫浮梁之麓聞
于天下惟清惟馨係其揉者浮梁之麓瑩于水
玉亦係其鈞火候是足然則無清英之意者不
可以及遠鮮陰陽之力者不可以致用故夫通
人學士坐進此道鑿戶墉以爲室則思其人以
居之觀珽壇以爲器則思其人以儀之必且撰

杖履儕衣冠診同文發更端舉聞見而歷落依
性命以盤桓珠無縫而不引響有叩而必還蓋
將以暎發于天人之際流通乎師友之間濟濟
祁祁便便反反課規程而測美執文句以攻堅
講太極而中隱賞良知而物捐是皆擬日用於
仁智轉天機於釋玄等疑虛而借實鮮遺邊而
遇全體用合而理正粗妙函而事安惟尊經而

正業得在意以酬詮慨學人之多致攝堂奧以
良難有同聲而響隔有殊風而意傳嘿則神而
有信辨且存而勿論將樂群兮攻玉豈譁衆以
連環或風以零或遊于觀度楹以几適館而殫
式飲食兮庶幾亦歌舞兮咲言則必助流雅頌
之化肄廣中和之篇佇孔容而徙倚驪周道以
廻旋載濯于溪乃挹其源紫莖屏風紋紆以漣

茵蔯始華被以秋蘭幽香杳靄清華嬋娟愔懷
虛而會遠足抱素以明燭若夫燕息橋梁之上
光陰魚鳥之前見漁樵之莞爾覺士女之悠然
君子旣愛其日小人亦愛其年悔聞道兮不早
返端居兮景賢賦陳其志歌末其言歌曰

惟芝以東是曰浮梁龍棲鳳遊絃歌在堂廣昆
學宮波陰寧陽經閣異異振衣相望有源有都

視其歸塘汝穀以貽好學無荒中有新田外有
長薌廼作于茲休其烈光令以慈湖訓以紫陽
汝父汝師來遊來康莫美爲報崇經重道道有
隆夷性無粗妙尚有典刑惟忠惟孝雍雍者祠
有槐有柳桃李蘭蓮春秋戶牖其西崇功其東
惠後侯其來巡載笑飲酒我歌不忘貞于孔阜

玉茗堂全集